

# ORTZIRALE SAINDU BATETAKO GOGOETAK ETA OTOITZA

(1975'eko Xerpejar Saria irabazia)

The image displays a musical score for a song. It consists of eight staves of music, each beginning with a treble clef, a key signature of one sharp (F#), and a 2/4 time signature. The melody is written in a simple, folk-like style. The notes are primarily quarter and eighth notes, with some rests and ties. The score is arranged in a single column, with each staff starting on a new line. The music is written in black ink on a white background.

- 1/ Jesus, kurutzeaz kargaturik zamatzaten egun huntan,  
gogoz izan naiz zure ondotik Galbarioaren puntan;  
han ene buruari behatuz, hara zer ikusi dutan:  
zu itzatzeko burdin zorrotzak naramatzala eskutan.
  
- 2/ Aitortzen dut nor zaitudan bainan aitormen xoilak bakarrik,  
zure aski maitatzeko ez du ene bihotzak indarrik;  
bekatuari estekatua naukate hainbat lotgarrik,  
deus egin gabe zu beiratzeko kurutze dorpe hortarik.
  
- 3/ Sortzetikako jaidura txarra da ene hutsen iturri;  
Jainko Semea zarenaz geroz baitakizu denen berri,  
gizoner gorde izan dut bainan nola gordeko dut Zuri  
ardurenik zer izaiten duen ene gogoak hazkurri?
  
- 4/ Zure Aitaren eskuetarik badut kargu bat ukana:  
bertutearen predikatzea gizonen artean barna;  
alegiatzko kartsutasunez egiten dut ene lana,  
bainan Zu eta ene burua ezin dezazket engana.
  
- 5/ Bake hitza ene ezpainetan nork ez ote du entzuna?  
Bainan barnetik etzaut ixiltzen hisiaren oihartzuna.  
Nekeak utzi bertzerendako, enetzat errestasuna,  
horra hor ene karitatea, horra ene maitasuna.
  
- 6/ Norbait ikusten badut ni baino dohatsuago bi mailez,  
gizarteari oihuz ari naiz zuzentasunaren galdez;  
aldiz ene bihotzak funtsezko urrikalmendurikan ez,  
nik jakinean pairamenetan bizi diren dohakabez.

- 7/ Ixildu dut zure burregoer elgar zagutzen dugula,  
horra naizen dohakabe hunen bertutearen ahula!  
Badakit Jondoni Petrik ere lan bera egin zautzula,  
bainan nik haren urriki minik ez dut senditu sekula.
- 8/ Hau da sinesmenaren argia ahulezian hurtzea!  
O, Jesus ona, ilunbe hunen iraupenaren luzea!  
Noiz onartu behar derautazu ene soinean hartzea  
zur'eskuinean itzatu zuten ohoinaren kurutzea?
- 9/ Jauna, suntsi dezazun ni baitan, egiten dautzut galdea  
hoinbertze bere gostuko sugai erretzen duen labea;  
bihotz berri bat eman zaidazu, o zero lurren jabea,  
ene jaidura gaixtoek egin karramiskarik gabea!